

Un Tata Responsabel

Kualke hende hòمبر por ta tata. Bo por ta tata sin diploma, sin talento, sin esfuerso. Responsabilidad di tata ta fásil, algun hende ta pensa.

Berdat, ta fásil pa bira tata. Ma pa ta un bon tata ta difisil. Ta un echu ku muchu mas hòمبر ta frakasá komo tata ku na kualke otro okupashon. Si un tata ta realisá kiko su responsabilidad ta i ta tum'é na serio, masha pronto lo e yega na konklushon ku no ta fásil pa ta un bon tata.

Kiko ta responsabilidad di un tata?

Un bon tata sigur ta PROTEHA su famia. Ningun bon tata por para wak pasivo mientras un malechor ta menasá su yunan. Un tata tin e tendencia natural di bringa pa defendé su famia di peliger físiko.

Pero no ta peligernan físiko so ku ta menasá bo famia. Tata, bo ta protehá bo yunan di mal amigunan? Bo sa ku ken bo yu ta anda? Bo sa ki tipo di persona e ta? Amigunan por hinka bo yu den un kamina destruktivo, i e por sufri e konsekuensianan di nan amistad pa hopi aña despues. Por ehempel, kuantu yu ta será tras di trali pa motibu di influensia di amigunan! Hopi biaha e yu no ta basta maduro pa mira e peliger. E tin mester di bo.

Tata, bo ta protehá bo yunan di siñansa destruktivo? Talbes bo yu ta indoktriná ku filosofia ku sèks ta un deseo biologiko meskos ku su mester pa kuminda. Pesei meskos ku ta normal pa satesfasé su hamber, no ta piká pa sasiá su deseo seksual, basta ku e ta hasié responsabel. Lo bo yora lat ta malai ora bo yu kontagiá un malesa venérikiko ku ta prevení e di dunábo niету.

Ta parse ku poko tata ta realisá ku nan mester ta e lider spiritual di nan famia. Tata, bo mester protehá bo famia di siñansa religioso ku ta falsu. Pa bo por hasi esei bo mes mester konose Beibel bon. Bo mester lesa Skritura i studi'é. Palabra di Dios ta algu ku "...bo mester siña.kuidadosamente na bo yunan..." (Deuteronomio 6:7). Bo no mester manda bo yunan na iglesia; bo mester ta un ehempel i **bai huntu ku nan**. Di berdat, e protekshon spiritual ta e protekshon mas importante ku bo famia tin mester, pasobra bo ta protehá nan di un destino horibel ku ta dura pa tur eternidat si nan no asepta Hesus komo Salbador. Tata, no laga e responsabilidad aki pa mama di bo yunan!

Un di dos responsabilidad di e tata ta pa PROVEE pa su famia. Tantu hòمبر, interesá pa gratifikashon personal so, tin yu plamá na diferente barrio na nos isla. Riba dia di tata, e yunan ei no tin niun klase di interes pa esun ku a engendrá nan. E mener iresponsabel a laga e mama pa su kuenta. Ta e mama su asunto kon e lo kubri e gastunan di e kriaturanan ku el a pone riba mundu. Nò! Un tata tin e deber di proveé finansieramente pa su yunan.

Un otro tata ta aploudí su mes pasobra mesun dia ku e ta kobra kinsena, e ta duna su esposa su parti pa e por hasi kompra. Esei ta bon. Pero e tin ku komprendé ku kosnan material no ta e úniko nesesidatnan ku e mester proveé.

Hopi mayor ta kla pa hala atenshon di nan yunan ora nan ta hasi malu. Ma di baina nan ta enkurashá nan ora nan ta hasi bon. Tata, no lubidá ku bo por proveé e enkurashamentu ku bo yu tin mester.

Un bon tata tambe ta proveé e instrukshon. Bo mester siña bo yu loke ta bon i loke ta malu. Ma no ta basta pa instruí e yu. Bo tambe mester duna un ehempel positivo di loke bo ta siñ'é. Tantu bal pa bo bis'é pa e no gaña si bo mes ta saka mentira. E yu lo hasi loke bo ta **hasi**, no loke bo ta bisa.

Tambe ta importante pa proveé amor i apresio pa bo yunan. Hopi tata ta kere si e ta kumpra kos pa su yunan, esei ta basta ekspreshon di amor. Nunka e ta brasa su yu òf bis'é ku e ta stim'é. Ademas, hopi tata ta asina okupá ku nan propio interes ku nan no tin tempu pa nan yunan. Tatanan mester dediká tempu pa nan yunan. Duna nan bo atenshon. Laga nan mira ku bo tin interes individual pa nan asta ora nan ta mucha chikitu.

Kiko ta responsabilidad di un tata? Mayoria tata ta konsiente ku e mester protehá i proveé finansieramente pa su yunan. Ma e diferencia entre kualke tata i un tata eksitoso ta ku e tata eksitoso lo protehá i proveé pa su yunan den tur parti di su bida.